



## **Universitätsbibliothek Paderborn**

### **Metropolis Salisvrgensis**

Continens. Fvndationes Et Erectiones Monasteriorvm, Et Ecclesiarum  
Collegiatarum, &c. per Boiarium, ac loca quædam vicina

**Hund, Wiguleus**

**Monachii, 1620**

Confirmatio nostrorum bonorum per Iulium Papam II.

**urn:nbn:de:hbz:466:1-13591**

filij vestris justis postulationib. grato concurrentes assensu, omnes libertates & immunitates à prædecessoribus nostris Romanis Pontificibus, sine per priuilegia vel alia indulta, vobis & monasterio vestro concessas, nec non libertates & exemptiones secularium exactiōnum ab Imperatoribus, Regibus & Principibus, ac aliis Christi fidelibus vobis & dicto vestro Monasterio rationabiliter indultas, specialiter autem parochiales Ecclesiās & Capellas Salisburgensis Diocesis, quas eidem Monasterio canonice vnitas, annexas, & incorporatas esse afferitis, nec non decimas, primitias, oblationes, census, fructus, redditus, prouentus, terras, domos, possessiones, jurisdictiones, & alia bona ad praefatum Monasterium pertinentia, sicuti ea omnia justè & pacifice possidetis, vobis & per vos eidem monasterio authoritate apostolica confirmamus, & praesentis scripti patrocinio communimus. Nulli ergò omnino hominum licet hanc paginam nostrae confirmationis & communionis infringere, vel eius au temerario contraire. Si quis autem hoc attentare præsumperit, indignationem omnipotentis Dei ac beatorum Petri & Pauli Apostolorum eius se noverit incursum. Datum Roma apud sanctum Petrum, anno Incarnationis Dominicæ Millesimo, quingentesimo quarto decimo. VI. Calendas Februarij. Pontificatus nostri anno secundo.

**Confirmatio nostrorum bonorum per Iulium  
Papam II.**

**I**VLIVS episcopus seruus seruorum Dei, dilectis filiis Præposito & Comue nti Monasterij S. Zenonis propè Reichenhall, per Præpositum solitigubernari, ordinis B. Augustini Salisburgensis Diocesis, salutem & apostolicam benedictionem. Cum à nobis petitur quod justum est & honestum, tam vigor æquitatis, quam ordo exigit rationis, ut id per sollicitudinem officij nostri ad debitum perducatur effectum. Eapropter dilecti in Domino filij, vestris justis postulationibus grato concurrentes assensu, personas vestras & locum, in quo divino estis obsequio mancipati, cum omnibus bonis que in praesentiarum rationabiliter possidetis, aut in futurum justis modis præstante Domino poteritis adipisci, sub B. Petri protectione suscipimus atq; nostra, omnes quoque libertates & immunitates à prædecessoribus nostris Romanis Pontificibus sine per priuilegia, vel alia indulta vobis & monasterio vestro concessas, nec non libertates & exemptiones secularium exactiōnum à Regibus & Principibus, ac aliis Christi fidelibus vobis & eidem Monasterio rationabiliter indultas, specialiter autem, decimas, primitias, redditus, prouentus, domos, terras, vineas, hortos, campos, prata, pastura, sylvas, nemora, possessiones, molendina, donationes, venationes, salinas, piscarias, mancipia, Dominia, infaudaciones, jurisdictiones, jura etiam patronatus, & præsentandi, venandi, piscandi, infaudandi, & alia bona ad Monasterium prædictum spectantia, nec non parochiales & sine cura Ecclesiās, quas eidem monasterio vnitas, siue incorporatas esse, & vos in viis proprios canonice obtinere afferitis, sicut ea omnia justè & pacifice possidetis, vobis & per vos eidem monasterio authoritate apostolica confirmamus, & praesentis scripti patrocinio communimus, salua in predictis decimis moderatione concilij generalis. Nulli ergò omnino hominum licet hanc paginam sciens nostræ susceptionis & confirmationis infringere, vel eius au temerario contraire. Si quis autem hoc attemptare præsumperit, indignationem omnipotentis Dei ac B. Petri & Pauli apostolorum eius se noverit incursum. Datum Roma apud S. Petrum, anno Incarnationis Dominicæ Millesimo, quingentesimo octauo, tertio Calendas Ianuarij. Pontificatus nostri anno sexto.